



詩四首

❖ 修竹

譴責賴清德企圖竄美謀「獨」

怒斥賴皮失自知，挾洋謀獨意何為？
乞憐竄美虛聲勢，跋扈殃台盡徇私。
華夏版圖終一統，天親骨肉不分離。
百年變局風雲起，反霸誅奸號角吹。

戲題民進黨當局「大罷免」大失敗

綠蛙聒噪幾時休，夢碎黃梁逝水流。
飲鴆無疑添笑料，食痴敢是若珍饈？
崇洋黷武終成患，裂土離宗必為囚。
寶島航歸團聚日，奸邪雜質網中收。

注：1)食痴，《宋書·劉邕傳》「邕所至嗜食瘡痴，以為味似鰻魚」；
2)雜質，《賴清德才是應被打掉的“雜質”》（《人民日報》2025年7月15日）。

紀念中國人民抗日戰爭勝利80週年

硝煙燹火夕陽殘，月冷盧溝夢亦寒。
日寇侵華添血債，國人守土見心丹。
救亡赴死因明恥，御侮驅倭豈畏難。
八十年來桑海變，神州龍舞地天寬。

紀念「七七事變」88週年

槍響宛平裂夜空，盧溝獅吼起悲風。
心唯社稷輕生死，血染神州化霓虹。
永定河邊烽火烈，芷江岸上寇仇終。
幽靈鬼魅應防患，固我金甌向大同。

返步奉和拔萃兄七律二首

❖ 老頑童

（一）悲憤七七事變

方期禹域九州同，七七狼嚎夢告終。
政府臨危逃是策，民間抗敵氣如虹。
昏君畏縮防空綫，共黨吹傳衛國風。
自古妖邪難勝正，昭和獸慾究成空！

（二）紀念抗戰勝利

長年戰綫一拖寬，鬼子行軍後繼難。
八路輕裝遊擊戰，全民敵愾定心丹。
抗聯東北刀光閃，倭傑台兒賊膽寒。
作孽由來遭惡報，長崎廣島盡喪殘。

奉和修竹詩家
紀念《七七事變》88週年

❖ 陳挺

蘆溝劫火濁塵空，倭寇鐵蹄生孽風。
華夏危亡天似墨，軍民敵愾氣如虹。
義師百戰妖氛滅，苦鬥八年逆難終。
彼岸幽靈須警惕，和平願景萬邦同。

全球華僑華人促進中國和平統一
大會在貝爾格萊德舉行感賦

❖ 董拔萃

金甌待補夢魂牽，多瑙河濱匯俊賢。
無悔丹心昭日月，有情豪氣貫雲天。
誅奸應仗軒輊劍，促統還需祖述鞭。
華胄五洲凝一力，陸台璧合慶團圓。

原步奉和拔萃兄《全球促統會感賦》

❖ 老頑童

寸土休容雜碎牽，誅邪鐵腕勝高賢。
皆因蔣宋先偷國，以致妖魔續逆天。
鎮海宣威須利器，安邦蕩寇靠長鞭。
同胞願力如生効，綠島紅旗美夢圓！

賀香港漢詩十三週年

❖ 亦勵

香江激灩景悠然，港埠風華韻自妍。
漢學聲蜚傳海外，詩吟氣貫向雲天。
十方共舉星槎渡，三徑長邀鶴舞蹁。
周望英才揮勁筆，年光淬玉鑄新篇。

❖ 陳錦鑫

香江再譜蘭亭曲，律轉春秋韻不孤。
墨海傳觴詩萬象，文壇健筆醉諸儒。
今朝古調長歌踏，來歲新風遠道驅。
且喜毫端情未老，騷儔相伴耀明珠。

❖ 施滄液

遙賀筵開鄴下風，嗟無際遇禮群雄。
香江威望名聲響，彭澤文章今古同。
難值良宵追大雅，忝將拙作表深衷。
吟觴獨舉還須醉，莫笑不才詩欠工。

沁園春

北闕銜星，南天起社，慷慨而歌。
看紫荊花放，文鋒筆陣，紅箋紙展，玉露金荷。
勝日搓髯，今朝回首，數載光陰一逝波。
相攜處，笑孤懷未老，雙鬢先皤。

此中況味如何。但記得、吟邊苦樂多。
且呼朋載酒，竹林放醉，憑欄敲句，曲水清哦。
莫笑書生，弘揚國粹，寄興香江展綺羅。
鐘情處，指唐風宋韻，月艇煙簑。

❖ 王承天

攜手欣描錦繡篇，騷壇此日聚群賢。
抒懷酬唱聲尤亮，鬥酒傾樽意正妍。
蔚起人文宏國粹，行吟肝膽壯堯天。
詩山同嘯三生幸，難忘風流翰墨緣。

居菲閒吟七絕十題

❖ 王承天

（一）夜讀史冊

昨夜月明難入眠，漫觀史冊倚窗欄。
心湖澄平與天靜，讀到盧溝頓起瀾。

（二）夜街又見

街童夜夜宿城場，有酒無肉餓斷腸。
明月何憐黎庶瘼，照人依舊冷如霜。

（三）觀雲暇思

舒捲自如從不驚，遊天訪嶽豈無情。
悶雷乍起號聲響，化作甘霖潤物生。

（四）雨後賞蓮

水漲蓮塘一色新，花紅葉碧兩無塵。
和風看我留連久，歷送清香滌俗襟。

（五）賞蓮感想

綠傘輕搖撐碧空，紅妝映日兩心紅。
平生不喜趨炎勢，自在清涼世界中。

（六）澄湖畫景

湖綠波清映碧天，一灣水澄淌人前。
輕舟欲啟眼驚亮，只見青山水裏懸。

（七）日暮思鄉

蜻蜓點水白鷗飛，雲宇斜陽佈彩暉。
獨倚高樓驚日暮，天涯遊子忽思歸。

（八）幽軒偶題

幽軒敲夢醒黃梁，何事縉塵日夜忙。
覷盡殘紅知世態，墨痕筆跡話炎涼。

（九）椰林聞雞

莫道南邦逸興低，郊行即事筆閒題。
遙看遠處吹煙起，椰徑驚聞茅屋雞。

（十）政壇所見

機謀耍盡數圍棋，目覷權姦怎不悲。
那曉興邦須獨立，祇知朋黨樂分肥。

乙巳大暑

❖ 中元

赤日懸空煎海疆，蟬鳴椰島叫聲狂。
蛙吟老調迎三伏，濁酒千杯入夢鄉。

【南瀛社課】

2025年7月

=====

主題：夏雨一景

詩詞皆可，題目自擬，韻部任選。

❖ 醺人

雨中花令•夏雨一景
步晏殊「剪翠妝紅欲就」

天熱一無所就。
炎夏驅蚊舞袖。
半點清風休想盼，冰飲聊挨守。
曬壞塘荷煎瘦藕。
呂宋客、扇難離手。
突降雨、眾生鬆口氣，消暑甘霖後。

❖ 客寧

憶秦娥•夏雨一景

韋伯烈，烏雲滾滾吞星月。
吞星月，狂雨橫掃，霧蒙南粵。
長安不見神魂缺，
咸陽箏樂音稀絕。
音稀絕，青絲皓首，一夜霜雪。

❖ 老頑童

芭蕉雨•夏雨一景
步程垓「兩過涼生藕葉」

雨打芭蕉樹葉。
夏空添濕度、尤其熱。
過路慎防途滑。
最好莫出家門，身安體恆。
濁流驚走彩蝶。
淒美賽霜雪。
詩意悉敗光、跟誰說？
獨自歎、背鄉人，
生死盡看蒼天，壺中日月！

❖ 子卉

一七令•夏雨一景

雨。
隨心，信步。
順音符，頻妙舞。
大地為闕，宮蒼作賦。
倒豎復傾盆，橫瀉還如注。
聲聲響雷添鬧，瀝瀝風吹恨吐。
玉泉依舊滌塵煩，珠水盡情觀浩莽。

❖ 賴惜貞

夏雨

片片烏雲迴小院，安知暑氣逼人狂。
池中羞澀荷含露，葉底憐孤蝶惜香。
一曲清音驚客亂，千條銀索舞風涼。
天公自有神仙尺，樂得蛙兒詠玉章。

❖ 施滄液

孤客吟

斷霞一抹夕陽殘，獨倚樓台負手看。
壯志閒銷杯酒濁，愁腸暗澀水雲寬。
萍蹤回首猶多緒，蓬鬢遮顏感萬端。
知己人間三兩子，相邀夢里說邯鄲。

獅子蟲

纏在沙門萬貫腰，敢教金谷亦魂銷。
綢繆禪榻絲成繭，馳騁商場利續貂。
善信往來多絡繹，元心顛倒更招搖。
可憐獅子毛中蟲，夢醒何方有鹿蕉。

夏日雜吟

流火炎蒸欲化煙，焦勞佔盡老農顏。
芭蕉乏力風難出，楊柳垂波獨閉關。
愁對黃昏牛喘月，驚衝赤氣鳥歸山。
天公不恤人間苦，枉獻冥錢數百鍰。

❖ 松濤

日前赴榕城凝眺鼓山慨憶

鼓嶺巍峨千丈高，綿延十里俯江皋。
嵐騰絕頂仙臺近，煙鎖層巒蒼石熬。
莫以笙歌當夢語，但將詩酒憶風騷。
碎金篩落看搖影，松籟含簧共聽濤。

偶讀《時光煮雨，歲月縫花》而感
漁灣歸棹夕陽斜，遠寺疏鐘起暮鴉。
荏苒時光容煮雨，蹉跎歲月可縫花？
情馳南國關河阻，夢斷西樓客路賒。
索酒何須悲往事，謾憐霜鬢負年華。

❖ 亦勵

七月之颱風暴雨

疾風驟雨襲都城，街巷汪洋濁水橫。
宅戶燈昏沈夜幕，校園門閉歇書聲。
公衙商舖無人顧，市井民生幾夢驚。
暴颶連三頻壓境，瘡痍困頓待新晴。

❖ 王承天

夏雨一景

風雨來臨又如何？生涯依舊唱情歌。
時狂時靜行人少，乍落乍停漲水多。
幾度挖溝期坦道，每逢修路留旋渦。
天災人禍年兼歲，歲月已將黎庶磨。

❖ 農夫

千島夏颶一景

聽風聽雨到天明，風雨輪番不願停。
都市洪流淹道路，鄉村泥石毀農耕。
災區苦難乏人解，權勢甘甜捨命爭。
市長警頭相約戰，一場鬧劇蓋災情。

❖ 工友

返步奉和農夫兄《千島夏颶一景》

千島雨淋不講情，疏流政府卻難爭。
堪悲馬路辛勞築，白費人工勤苦耕。
陸地行舟當慣習，菲京爛響怎消停？
雞毛小事成天大，可笑官商欠透明！

❖ 宸馨

韋帕颱風

虐襲滄溟惹颶潮，挾雷掣電起狂飆。
墨翻雲色千山暗，風裂星輝萬樹搖。
拍岸濤聲驚海鳥，摧樓雨勢斷溪橋。
蒼天暴物心何忍，劫後淒涼遍寂寥。

❖ 藍山

夏雨

十街九漲奈無舟，老庫微容泄不休。
人禍天災由應辯，民安國泰理當浮。
風煎千島風吞埠，雨煮三臨雨撞樓。
但使菲華迎日暖，自然常樂懼何憂。

❖ 施滄液

颶後吟

颶母狂飆酷暑收，伏中雨後勝深秋。
一杯獨酌花間露，萬里孤懷月下樓。
隨爾炎涼天放意，此生醒醉幾回眸。
浮沈畢竟皆萍跡，枕上華胥已白頭。

❖ 松濤

夏雨

颶風水漲路行舟，炎雨霪霖竟不休。
疑似天傾河漢瀉，宛如地轉電雷浮。
蛟龍擺浪吞堤岸，鳥雀驚巢避浦樓。
願得羲和鞭日馭，碧空晴霽應無憂。

❖ 客寧

聽海潮

夜聽股海漲潮聲，穩坐船頭逐浪行。
北旅全驚驚險錄，西游一路凱歌迎。
紅帆高掛財星旺，綠燭低燃氣息平。
塵世無端三萬日，浮囂褪盡自安寧。

風狂

當午狂風吹入夜，日沈雲黑月無蹤。
驚花變色藏繁葉，閃電轟雷落九重。
凶仔迷茫行不怠，長安縹緲信相逢。
微言簡敘三秋隔，寄意銀屏筆墨濃。

憶秦娥•過橫琴

音信渺，當時新識還年少。
還年少，青春誦讀，詩美情俏。
出城相訪雨淋道，驅車共飲雲光耀。
雲光耀，水晶牆透，空街方好。

❖ 蔡天生

臨江仙•日月同輝

魏竇寶蓋雙曜炫，昭昭天象奇觀。
清輝輕灑映關山。煙濤迷古渡，
雲岫鎖泉灣。
昂然寶塔孤峰上，引航無數歸舷。
天涯遊子故鄉還。千年姑嫂在，
四海盡安瀾。
注：1)寶蓋,石獅寶蓋山； 2)姑嫂,姑嫂塔； 3)泉灣,泉州灣。